


ARHIV BOSANSKE KRAJINE
BANJA LUKA



SURUČIĆ BRANKO :

"ILEGALNI DOLAZAK ANDJE KNEŽEVIĆ U BANJU LUKU "

L e g e n d a :

- dvije stranice mašinom kucanog teksta sa potpisom i korekcijama Branka Suručića ;
 - sjećanja dobivena 31.januara 1974.godine;
 - SADRŽAJ SJEĆANJA: odluka Oblasnog komiteta o slanju Andje Knežević u Banju Luku na dužnost sekretara Mjesnog komiteta; sastav centralne partijske ćelije u Banjoj Luci početkom septembra 1943.godine.-
 - sjećanja u jednom primjerku, originalu sa rukopisnim korekcijama autora.-
-

K N E Ž E V I Ć A N D J A

Rodjena je u nekom selu kod Prijedora.U Prijedoru je pohađjala gimnaziju.Kao progresivna omladinka primljena je u SKOJ.Prisustvovala je na Okružnoj konferenciji SKOJ-a u Prijedoru,krajem maja 1942.godine.

Godine 1943.bila je član Okružnog komiteta KPJ i član,odnosno sekretar Okružnog komiteta SKOJ-a za Kozaru.

U ljeto 1944.godine sekretar je Okružnog komiteta SKOJ-a i član Okružnog komiteta KPJ u Drvaru.

Po odluci Oblasnog komiteta,u martu ili početkom aprila 1943.godine poslana je u Banju Luku na dužnost sekretara ilegalnog Mjesnog komiteta.

Trebalо je da se ilegalno ubaci u grad.Budući da je Branko Suručić održavaо veze sa Banjom Lukom,pozvao ga je Hajro Kapetanović i dao mu zadatak da Andju ubaci u Banju Luku.Branko Suručić bio je tada na dužnosti komesara Komande mјesta za Bosansku Gradišku sa sjedištem u Gornjim Podgradcima.

Medjutim,iskrsle su teškoće.Sve je trebalo tako organizirati da sigurnost bude obezbjedjena.U toku cijelog mjeseca marta ili aprila na razne načine pokušavaо se realizirati zadatak.Prije svega,morala se nabaviti autentična legitimacija ne samo da bi mogla ući u grad nego da se u njemu kasnije može i kretati.

Oko svih tih detalja toka pripreme i izvodjenja zadatka Branko je želio da se sve što prije i sigurno obavi.O svemu tome bilo je govora na sastanku Mjesnog komiteta.

Preko TATIĆ MILOŠA,koji sada živi u Banjoj Luci u naselju Berik,dobivena je legitimacija sa autentičnim potpisom kotarskog predstojnika u Banjoj Luci,ali nije bile štambilja.Pokušaj sa prekopiranjem nije dao očekivani rezultat.Naime,kopija nije bila uspješna.Medjutim,i sa ovakvom kopijom Andja Knežević htjela je da podje u Banju Luku.Falsifikat se mogao pažljivijim pregledom ustanoviti.No,to je bilo odviše riskantno.Pošto je bio zadužen za ubacivanje

Andje u grad, Branko Suručić se odlučio za jednu drugu so-luciju. Ilegalnim kanalima zatražio je sastanak sa predstavnikom partijske organizacije iz Banje Luke. Na sastanak je iz Banje Luke došao ing. Avdo Djumrukčić. Sastanak je održan u selu Glamečani u kući Mike Crnića.

Branko je obavjestio Djumrukčića da na svaki način nabavi zvaničnu legitimaciju sa potpisem i štambiljem. Nije prešle duge vremena i legitimacija je dobivena iz Banje Luke.

Sa pravom legitimacijom Andja je mogla da kreće na put u Banju Luku. U selu Glamečani ušla je u jedan kamion. Kamion je bio vojnički.

Andja je došla u Banju luku efe 10. maja 1944. godine. U Banjoj Luci ilegalno je radila kao sekretar Mjesneg komiteta sve do jesen 1944. Uči napada na Banju Luku prešla je na oslobođenu teriteriju.

Zahvaljujući njoj razvio se ilegalni rad u gradu. Iz Banje Luke održavala je stalnu vezu sa Hajrem Kapetanovićem, a potom i Slobodanom Marjanovićem.

Do dolaska Andje za sekretara Mjesnog komiteta ilegalnim partijskim radom rukovodio je Sulje Mandžuka. Posleve Mjesnog komiteta vršila je Centralna partijska čelija. Naime, od dolaska Zage Umičević i Ibre Sarača na oslobođenu teriteriju rad Mjesnog komiteta je zamre. Od ljeta 1942. godine zadatke komiteta vršila je tzv. centralna partijska čelija.

Na sastanku Okružnog komiteta KPJ za Kezaru, negdje krajem avgusta ili početkom septembra 1943. godine, na kome je prisustvovao i Sulje Mandžuka, koji je ilegalne došao iz Banje Luke, rečeno mu je da centralna partijska čelija djeluje kao Mjesni komitet. Članovi ove čelije bili su Sulje Mandžuka, Munib Ćerimić, a možda i Fahrudin Džin i Ishak Maglajlić. Više o ovome svakako zna Munir Kadić, narocito o njegovom partiskom ilegalnom radu u tom periodu.

Kolike je poznate, dolazak Andje za sekretara razvio je partijsku i uspšte ilegalnu aktivnost.

Podatke dao 31. januara 74.

Branko Suručić *B. Suručić*
Pribilježio M. Vukmanović

Arhiv Bos. krajine B. Luka
ABK 209-MG-III / 124